



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### ალიმონაკი ლერი ალექსანდრეს ძე



ლ. ალიმონაკი

ალიმონაკი ლერი ალექსანდრეს ძე (დ. 17. X. 1940, ქუთაისი), კრიტიკოსი, ლიტერატურათმცოდნე.

დაამთავრა თბილ. სას.-სამ. ინ-ტის საინჟინრო-ტექნოლ. ფაკ-ტი (1966). 1973-იდან მწერალთა კავშირთან არსებული მხატვრული თარგმანისა და ლიტ. ურთიერთობათა მთავარი სარედაქციო კოლეგიის უფროსი მეცნ.-რედაქტორია. პირველი წერილი სიმღერა “სულიკოს” ავტორზე, ვარინკა წერეთელზე, 1965 გამოაქვეყნა გაზ. „ქუთაისში“, პირველი წიგნი „ვარინკა წერეთელი“ – 1970, 1990. ა-ს ეკუთვნის წიგნები: „ლიტერატურული წერილები“ (1974), „ლიტერატურა და ცხოვრება“ (1979), ლექსების წიგნი „ჟამი სიჩუმისა“ (1989). განსაკუთრებული ღვაწლი მიუძღვის

ტერენტი გრანელის ცხოვრებისა და შემოქმედების კვლევაში; შეადგინა, წინასიტყვაობა დაურთო და გამოსცა მისი რჩეული ლექსების ერთტომეული (1979), დაწერა ბიოგრ. რომანი „კვირის წირვები ანუ ცხოვრება ტერენტი გრანელისა“ (1988-1990), „ჩემი ცხოვრება მხოლოდ ლექსია“ (მოგონებები და წერილები ტ. გრანელზე, 1983), აღსანიშნავია წიგნები: „სანთლის შუქზე მონაწერი“ (2001), ელიაზარის დაბრუნება“ (ნიკო ფიროსმანის ცხოვრება, 2007, 2015). თარგმნა ლაო-ძის უძველესი ჩინ. ფილოს.-რელიგ. თხზ. „დაო დე ძინი“ (1983, ი. მაჩაბლის სახელობის პრემია, 2017), „უპანიშადები“- ძვ. ინდური რელიგ. ფილოს. ხასიათის ტრაქტატები (1995, 2014).

მინიჭებული აქვს ილია ჭავჭავაძისა და ტერენტი გრანელის სახ. პრემიები (2014).

